



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.19. Subsidium pro terra sancta.

---

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.  
A. C. 1263.

§. XIX.

*Subsidium pro terra sancta.*

*Bibl. Orien.*  
p. 204.

*Sanut.*  
p. 221.

*ap. Rayn.*  
n. 2.

n. 7.

Galliæ Præsules ad subsidium pro Palæstina non tam difficiles se præbebant. Bibartius Bondocdarus Sultanus Ægyptius Mammeluchorum quartus hoc anno 14 Aprilis cum tricies mille equitibus Ptolemaidem delatus, combustis postridie hortis usque ad portas urbis processit, quæ magno in periculo erat. Incurfus causa fuit, quod Hospitalarii Templarii que quædam mancipia Sultano secundum pacta reddere recusarent, quamvis ipse restituere, quæ debebat, vellet. Eodem mense Saraceni cœnobium Bethlehemicum diruerunt. Propter hos nuncios Papa Urbanus S. Ludovico fusam epistolam lamentis plenam scripsit, in qua refert, Sultanum Babylonium, nempe Ægyptium, contra pactationum fidem numero cum exercitu venisse, inter montem Thabor & Naim posuisse castra, omnemque regionem usque ad portas Ptolemaidis occupasse. Immo etiam templum Nazarenum, in quo SS. Virgo ab Angelo salutata de Spiritu Sancto concepisset, ex odio Christiani nominis subrutum solo quasse. Templum in monte Thabor, ubi Christus se transformasset, ac post suum ad vitam reditum se discipulis spectandum



dum dedisset, demolitum esse. Hæc lo-  
corum sanctorum everfio notanda est pro  
ferie hiftoriæ. Papa litteras finiit exhor-  
tando Sanctum Ludovicum, ut celeres in  
Palæftinam fuppeticas mitteret, eo quod  
Sultanus fe verno tempore reverfurum  
minatus effet. Dabat 20 Augufti.

Hoc fine Archiepifcopum Tyrium ut  
Legatum fuum in Galliam mifit: & o-  
ctavo S. Martini die, feu 18 Nov. 1263  
Parififis conventus agebatur, in quo ftatutum  
eft, quod fequitur. Legatus Regi  
tradet, quas attulit, legendasque curavit,  
litteras de centefima parte proventuum  
facrorum in bonum Palæftinæ colligen-  
da, nec illas adhibebit amplius contra il-  
los, qui Præfulum mandato paruerint,  
quod eft tale: Præfules non ob Papæ lit-  
teras, nec per vim ullam, fed fponte ac  
libenter tam pro fe, quam pro Clero fuo  
terræ sanctæ decreverunt subsidium vi-  
ginti folidorum in centum libras: ad  
quod neminem potestas profana coget,  
fed Præfules fuæ quisque diocefis Cle-  
rum per ecclefiafticas cenfuras adigent.  
Parochus aliusve, cujus reditus duode-  
cim libras Parifinas non excedit, nihil pen-  
det, ni ultro volet. Hæc pensio durabit  
quinquennio, ac dimidium ejus primum  
fefto S. Joannis die, alterum Chrifti na-  
tali exfolvetur. Canonici de quotidianis  
diftributionibus fuif nihil dabunt, dum-  
modo

Sæcul. XIII.  
A.C. 1263.

n. II.

to. 10. cont.  
p. 824.  
Join. obser.  
p. 568.



Sæcul. XIII. modo ex communi Collegii ærario feratur subsidium.  
A. C. 1263.

## §. XX.

*Propositio S. Ludovico a Clero facta.*

*Joinv. p. 13. observ.*  
*p. 40. 368. Gall. Chr. to. 2. p. 301.*  
Ad hunc Clerici Gallici conventum Parisiis celebratum referri potest propositio universis a Præsulibus S. Ludovico facta teste Jonavillæ Domino ibi præsentate. Antifiodorensis Episcopus, qui rem denunciabat, erat Guido Mellotensis, illam sedem ab anno 1246 possidens. Is ad S. Ludovicum, Augustissime Princeps! inquebat, cunctorum Præsulum nomine tibi dico, te religionis interitum permittere. Rex his verbis territus formato crucis signo, Episcope! inquebat, cur ita loqueris? O Rex! subdebat Guido, nulla jam anathematum ratio habetur: nemo Ecclesiæ satisfacit: placet potius proscriptum mori. Quamobrem una omnes voce propter Deum, & quia id nostri muneris est, oramus, ut omnes tuos Prætores, Præsides, aliosque justitiæ Præfectos jubeas quemlibet, qui per annum ac diem proscriptus manserit, ipsius bona occupando ad efflagitandam absolutionem adigere. Rex ad ea retulit, se hoc libentissime imperaturum de illis, quos